



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 19. Sessio Decima.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Concilio extruserunt; Episcopi vero ^{Sæculum VII} quatuor & sex Clerici suspecti dixerunt, ^{A.C. 681.} Confessionem Fidei suæ se tradituros. Inde Concilium proposuit, in proxima Sessione Collectionem Textuum a Romanis productorum esse conferendam, omisso examine duorum aliorum Voluminum a Macario productorum, quod Textus in iis contenti ad rem non pertinerent. Ita Sessio nona finita.

§. XIX.

Sessio Decima.

In Sessione decima, post decem dies, nempe decimo Octavo Martii celebrata, duodecim ferme Episcopi, qui advenierant, Patrum numerum auxerunt, & inter alios Philaletus Cæsariensis in Capadocia, Plato Ancyranus in Galatia, Marinus Sardicensis, Justinus Tyaneus, Alypius Gangrensis, & Isidorus Rhodensis. Imperatore jubente Collectio Textuum a Romanis productorum allata, & solutis sigillis Salomon Diaconus & Notarius Patriarchæ Constantinopolitani legere cœpit. Titulus præfixus erat: *Textus Patrum ad demonstrandum, duas Voluntates & duas Operationes in Jesu Christo fuisse.* Primum Testimonium desumptum est ex Epistola S. Leonis ad Leonem Imperatorem data, atque cum Exemplo originali ex Thesauro Eccle-

p. 785.

Sæculum VII Ecclesiæ Constantinopolitanæ producto,
A. C. 681. in pergameno scripto, compactura ar-
 gentea, collatum. Deinde Textus S. Am-
 brosii cum Libro Chartaceo, antiquissi-
 mo ex Bibliotheca Patriarchali producto
 examinatus; unde exploratum fit,
 S. Ambrosii Libros illa ætate jam diu in
 Græcum sermonem fuisse translatos.
 Tertius quoque locus, quem attulerunt
 Romani, S. Ambrosii fuit, & cum Libro
 Latino a Romanis oblato, Constantino
 Presbytero, Ecclesiæ Constantinopolita-
 næ Defensore, & Grammatico Latino
 interpretante, collatus. Porro omnes
 Textus in Collectione Romanorum con-
 tenti cum Libris Bibliothecæ Patriarcha-
 lis Constantinopolitanæ collati locis Au-
 thenticis prorsus consentanei inventi
 sunt. Attulerant autem Romani Tex-
 tus triginta novem ex Patribus tredecim
 excerptos, scilicet ex S. Leone, S. Am-
 brosio, S. Joanne Chrysofomo, S. Atha-
 nasio, S. Gregorio Nyffeno, S. Cyrillo A-
 lexandrino, S. Epiphanio, S. Gregorio
 Nazianzeno, S. Augustino, S. Justino Mar-
 tyre, S. Ephrem, & S. Anastasio ambobus
 Patriarchis Antiochenis, & Joanne Scy-
 thopolitano. Aliqua Testimonia etiam
 ex scriptis Justiniani Imperatoris addu-
 cta. Cum S. Ephrem & S. Anastasius es-
 sent ceteris recentiores, Concilii Patres
 testimonium reddiderunt, quod de eo-
 rum

*L. II. ad
 Grat. p. 788.*

p. 828.

p. 829.

rum Auctoritate & Sanctitate satis om-
nibus constaret. Sæculum VII
A.C. 681.

Patrum Testimoniis examinatis, etiam ex eadem Collectione collati sunt Textus Hæreticorum illorum, qui in Jesu Christo unicum Voluntatem & unicum Operationem affirmabant. Erant vero Textus quindecim, diversorum Auctorum, Themistii, Anthimi, Severi, Pauli, Theodosii, & Theodori, qui omnes Textus tam Patrum quam Hæreticorum in Actis Concilii integre referuntur. Id quoque Legati Pontificii obtinuerunt, ut aliquis Apollinaris locus, in ipsorum Collectione omissus, & in quo unica Operatio affirmabatur, Actis infereretur.

p. 841.

Episcopi deinde quatuor, & sex Clerici suspecti, datis Libellis, in quibus Fidem suam confitebantur, super sancta Evangelia jurarunt; erantque Libelli omnes Confessioni Petri Episcopi Nicomediensis, Bithyniæ Metropolitanæ consentanei, qui lectus fuit, & Actis insertus.

Tandem Georgius Legatus Jerosolymitanus petiit, ut S. Sophronii Epistola ad Sergium legeretur, quod ad proximam Sessionem dilatatum.

§. XX.

Sessio Undecima.

Sessioni undecimæ, elapso biduo, id est vigesimo Martii, anno 681. plures
Hist. Eccles. Tom. IX. Ee quam